





第八一二册

四庫全書

●上海古籍出版社

本冊目次

德墨	林圖	益州	宋朝	五代	思陵	畫山	墨唐	歷代	法書	述書	書書	貞觀	續書	古畫
隅池	泉見	名名	名名	名名	翰墨	附筆	附帖	朝名	書要	書	觀公	私畫	畫	畫品
齋畫	高致	間誌	畫錄	畫評	補遺	法音	音釋	畫錄	錄	賦	譜	史	品	錄
品編	錄集	誌錄	錄評	遺志	記賦	誤	戴	錄	錄	賦	斷	譜	史	品

宋李	宋朱長文	宋郭	宋郭	宋黃休復	宋劉道醇	宋劉道醇	宋高宗御撰	唐荆浩撰	唐章續撰	宋陳與義撰	唐朱景玄撰	唐張彥遠撰	唐張彥遠撰	唐寶蒙撰	唐張懷瓘撰	唐孫過庭撰	唐裴孝源撰	陳桃最撰	梁庾肩吾撰	南齊謝赫撰
九三七	五九五	五七一	五〇七	四七七	四四五	四三三	四二七	四二一	三七五	三七五	二七五	一〇一	一〇一	七七	三七	三一	一七	一三	七	一

欽定四庫全書

子部
古畫品錄 書品 續書品

詳校官監察御史臣邱庭澍
編修臣裴謙覆勘

總校官編修臣王燕緒
校對官編修臣李鎔
謄錄貢生臣黎文潤

欽定四庫全書

子部八

提要

古畫品錄

藝術類一書畫之屬

臣等謹案古畫品錄南齊謝赫撰凡一卷等
差畫家之優劣分為六品晁氏讀書志謂分
四品者誤也大抵謂畫有六法蕪善者難自
陸探微以下以次品第各為序引其意頗矜
慎得二十七人陳姚最嘗譏其未允謂如長
康之美擅高往策矯然獨步終始無雙列於
下品尤所未安李嗣真亦譏其黜衛進曹有
涉貴耳之論然所言六法畫家宗之至今實
千載不能易也

書品

藝術類一書畫之屬

臣等謹案書品一卷梁庾肩吾撰肩吾字子
慎新野人起家晉安王國常侍元帝時官至
度支尚書事蹟具梁書文學傳是書載漢至

欽定四庫全書

提要

齊梁能真草者一百二十八人分為九品每品各繫以論而以總序冠于前考竇泉述書賦稱肩吾通塞并乏天性工歸文華拙見草正徒聞師阮何至遼賈使鉛刀之均鋒稱並利而則佞云云其于肩吾書學不甚推許又其論述作一條稱庾中庶品格拘于文華則于是書亦頗致不滿然其論列多有理致究不失先民典型如序稱隸體發源秦時隸人下邳程邈所作始皇見而重之以秦事繁多篆字難製遂作此法故曰隸書今時正書是也此足證歐陽修以八分為隸之誤惟唐之魏徵與肩吾時代邈不相及而並列其間殊為顛舛故王士禎居易錄詆毛晉刊板之訛又序稱一百二十八人而書中所列實止一百二十三人數亦不符殆後人已有所增刪然張彥遠法書要錄全載此書已同此本併

續畫品

藝術類一書畫之屬

魏徵之謬亦同則其米久矣

臣等謹案續畫品一卷舊本題陳吳興姚最

撰今考書中稱梁元帝為湘東殿下則作是書時猶在江陵即位之前蓋梁人而入陳者猶玉臺新咏作於梁簡文在東宮時而今本皆題陳徐陵耳其書繼謝赫古畫品而作而以赫所品高下多失其實故但叙時代不分

品目所錄始於梁元帝終於解倩凡二十人各為論斷中嵇寶鈞聶松合一論釋僧珍僧覺合一論釋迦佛陀吉底俱摩羅菩提合一論凡為論十六則名下間有附注如湘東殿下條注曰梁元帝初封湘東王嘗畫芙蓉圖顰鼎圖毛校條下注曰惠秀姪尚似是最之本文至張僧繇條下注曰五代梁時吳興人則決不出最手蓋皆後人所益也凡所論斷

多不過五六行少或止於三四句而出以儷

詞氣體雅雋確為唐以前語非後人所能依

託也乾隆四十六年十月恭校上

總纂官_臣紀昀_臣陸錫熊_臣孫士毅

總校官_臣陸費墀

欽定四庫全書

提要

四

欽定四庫全書

古畫品錄

南齊 謝赫 撰

夫畫品者蓋衆畫之優劣也圖繪者莫不明勸戒著升沈千載寂寥披圖可鑒雖畫有六法罕能盡該而自古及今各善一節六法者何一氣韻生動是也二骨法用筆是也三應物象形是也四隨類賦彩是也五經營位置是也六傳移模寫是也唯陸探微衛協備該之矣然迹有巧拙藝無古今謹依遠近隨其品第裁成序引故此所述不廣其源但傳出自神仙莫之聞見也

第一品 五人

陸探微_{事五代宋明帝吳人}

窮理盡性事絕言象包前孕後古今獨立非復激揚所能稱贊但價重之極乎上品之外無他寄言故屈標第一等

曹不興

_{五代吳時事孫權吳興人}

不興之迹殆莫復傳唯秘閣之內一龍而已觀其風骨
名豈虛成

衛協

五代晉時

占畫之畧至協始精六法之中迨為兼善雖不說備形
妙頗得壯氣陵跨羣雄曠代絕筆

張墨 荀勗

風範氣候極妙參神但取精靈遺其骨法若拘以體物
則未見精粹若取之象外方厭高腴可謂微妙也

欽定四庫全書

古畫品錄

二

第二品 三人

顧駿之

神韻氣力不逮前賢精微謹細有過往哲始變古則今
賦彩製形皆創新意若包犧始更卦體史籀初改書法
常結構層樓以為畫所風雨炎燠之時故不操筆天和
氣爽之日方乃染毫登樓去梯妻子罕見畫蟬雀駿之
始也宋大明中天下莫敢競矣

陸綏

體韻道舉風彩飄然一點一拂動筆皆奇傳世蓋少所
謂希見卷軸故為寶也

袁禧

比方陸氏最為高逸象人之妙亞美前賢但志守師法
更無新意雖和璧微玷豈貶十城之價也

第三品 九人

姚曇度

畫有逸方巧變鋒出魑魅神鬼皆能絕妙奇正咸宜雅

欽定四庫全書

古畫品錄

三

鄭兼善莫不俊拔出人意表天挺生知非學所及雖纖
微長短往往失之而與卓之中莫與為匹豈直棟梁蕭
父可擔揆璵璠者哉

顧愷之

五代晉時晉陵無錫人字長康小字虎頭

除體精微筆無妄下但跡不逮意聲過其實

毛惠遠

畫體周瞻無適弗該出入窮奇縱橫逸筆力道韻雅超
邁絕倫其揮霍必也極妙至於定質塊然未盡其善神

鬼及馬泥滯於體頗有拙也

夏瞻

雖氣力不足而精彩有餘擅名遠代事非虛矣

戴逵

情韻連綿風趣巧拔善圖賢聖百工所範荀衛已後實

為領袖及乎子顓能繼其美

江僧寶

斟酌袁陸親漸朱藍用筆骨梗甚有師法像人之外非

欽定四庫全書

古畫品錄

其所長也

吳暕

體法雅媚製置才巧擅美當年有聲京洛

張則

意思橫逸動筆新奇師心獨見鄙於綜採變巧不竭若

環之無端景多觸目謝題徐落云此二人後不得預焉

陸杲

體致不凡跨邁流俗時有合作往往出人點畫之間動

流恢復傳於後者殆不盈握桂枝一芳足徵本性流液之素難効其功

第四品 五人

蓬道愍 章繼伯

竝善寺壁兼長畫扇人馬分數毫釐不失別體之妙亦

為入神

顧寶先

全法陸家事之宗稟方之袁倩可謂小巫

欽定四庫全書

古畫品錄

王微 史道碩 五代晉時

竝師荀衛各體善能然王得其細史傳其真細而論之

景玄為劣

第五品 三人

劉頊

用意綿密畫體簡細而筆跡困弱形製單省其於所長

婦人為最但纖細過度翻更失真然觀察詳審甚得姿

態

晉明帝

諱紹元帝長子師王與

雖畧於形色頗得神氣筆跡超越亦有奇觀

劉紹祖

善於傳寫不閑其思至於雀鼠筆迹厯落往往出羣時人為之語號曰移畫然述而不作非畫所先

第六品 二人

宋炳

炳明於六法迄無適善而含毫命素必有損益跡非準

欽定四庫全書

古畫品錄

六

的意足師倣

丁光

雖擅名蟬雀而筆跡輕羸非不精謹乏於生氣

古畫品錄

欽定四庫全書

書品

梁 庾肩吾 撰

玄靜先生曰予過求遠古逖訪厥初書名起於玄洛字勢發於倉史故遺結繩取諸文象諸形會諸人事未有廣此絨滕深茲文契是以一畫加大天尊可知二方增土地卑可審日以君道則字勢圓月以臣輔則文體缺及其轉注假借之流指事會意之類莫不妝範毫端形

欽定四庫全書

書品

二

呈字表開篇翫古則千載共朝削簡傳今則萬里對面記善則惡自削書賢則過必改玉厯領正而化俗帝載陳言而設教變通不極日用無窮與聖同功參神並運爰洎中華捨繁從省漸失潁川之言竟逐雲陽之字若乃鳥迹孕於古文壁書存於科斗符陳帝璽摹調蜀漆署表宮門銘題禮器魚猶捨鳳鳥已分蟲仁義起於麒麟咸形發於龍虎雲氣時飄五色仙人還作兩童龜若浮溪蛇如赴穴流星粲燭垂露似珠芝英轉車飛白掩

素參差倒薤既思種柳之謠長短懸針復想定情之製

蚊脚傍低鵲頭仰立填飄板上繆起印中波回墮鏡之

鸞楷傾雕陵之鵲並以篆籀重復見重昔時或巧能售

酒或妙令鬼哭信無味之奇珍非趣時之急務且具錄

前訓今不復兼論惟草正疎通專行於世其或總之者

雖百代可知尋隸體發源秦時隸人下邳程邈所作始

皇見而重之以奏事繁多篆字難製遂作此法故曰隸

書今時正書是也草勢起於漢時解散隸法用以赴急本

欽定四庫全書

書品

二

因草創之義故曰草書建初中京兆杜操始以善草知名今之草書是也余自少迄長留心茲藝敏手謝於臨池銳意同於削板而裁山之扇竟未增錢凌雲之臺無因誠子求諸故迹或有淺深輒刪善草隸者一百二十三人伯英以稱聖居首法高以追駿處末推能相越小例而九引類相附大等而三復為略論擬名書品

張芝 伯英

鍾繇 元常

王羲之 逸少

右三人上之上

論曰隸既發源秦史草乃激流齊相跨七代而彌遵將千載而無革誠開博者也均其文摠六書之要指其事龍八體之奇能拔篆籀於繁蕪移楷真於重密分行紙上類出盟之蛾結畫篇中似聞琴之鶴峯峯間起瓊山漸其做霧漪瀾通振碧海愧其下風抽絲散水定其下筆倚刀較尺驗於成字真草既分於星芒烈火復成於珠佩或橫牽豎掣或濃點輕拂或將放而更留或因挑而還置敏思藏於胸中巧意發於毫銛詹尹端策故以

欽定四庫全書

書品

三

迷其變化英韶傾耳無以察其音聲殆善射之不注妙斲輪之不傳是以鷹爪舍利出彼免毫龍管潤霜霜遊茲蠶尾學者鮮能具體窺者罕得其門若探妙測深盡形得勢烟華落紙將動風彩帶字欲飛疑神化之所為非人世之所學惟張有道鍾元常王右軍其人也張工夫第一天然次之衣帛先書稱為草聖鍾天然第一工夫次之妙盡許昌之碑窮極鄴下之牘王工夫不及張天然過之天然不及鍾工夫過之羊欣云貴越羣品古今

莫二兼撮衆法備成一家若孔門以書三子入室矣尤為上之上

崔瑗

子玉

杜度

伯度

師宜官

張昶

文舒

王獻之

子敬

右五人上之中

論曰崔子玉擅名北中跡罕南度世有得其摹者王子敬見之稱美以為功類伯英杜度溫觴於草書取奇於漢帝詔使奏事皆作草書師宜官鴻都為最能大能小

欽定四庫全書

書品

四

文舒聲劣於兄時云亞聖子敬泥帚早驗天骨兼以掣筆復識人工一字不遺兩葉傳妙此五人允為上之中

索靖

幼安

梁鵠

孟皇

韋誕

仲將

皇象

休明

胡昭

孔明

鍾會

士季

衛瓘

伯玉

荀興

長眉

阮研

文機

右九人上之下

論曰幼安做蔓舅氏抗名衛令孟皇功盡筆力字入帳中仲將不安滌毫須張筆左紙孔明動見模楷所為胡

肥而鍾瘦休明斟酌二家駢駕八絕士季之範元常猶
子敬之稟逸少而工拙兼效真草皆成伯玉逸慕張芝
近參父迹長膺狸骨方擬而難追阮研居今觀古盡窺
衆妙之門雖復師王祖鍾終成別構一體此九人允為
上之下

張超

子並

郭伯道

劉德昇

君嗣

崔寔

子真

衛夫人

名鑠字茂將

李式

景則

庾翼

稚恭

郗愔

方回

謝安

安石

欽定四庫全書

書品

五

王珣

季琰

桓玄

敬道

羊欣

敬元

王僧虔

孔琳之

彥琳

殷鈞

右十五人中之上

論曰子並崔家州里頗相倣效可謂將質賦於鹽水寒於
水伯道里居朝廷遠討其迹德昇之妙鍾胡各採其美
子真俊才門法不墜李妻衛氏自出華宗景則毫素流
靡雅恭聲彩邁越郗愔安石草正並驅季琰桓玄筋力
俱駿羊欣早隨子敬最得王體孔琳之聲高宋氏王僧

虔雄發齊代殷鈞頗耽愛好終得肩隨此一十五人
允為中之上

魏武帝

曹操

孫皓

吳主

衛覲

伯儒

左子邑

伯字子邑

衛恒

巨山

杜預

元凱

王廙

世將

張彭祖

任靖

韋昶

文休

王脩

敬仁

張永

范懷約

吳休尚

施方泰

右十五人中之中

欽定四庫全書

書品

六

論曰魏帝筆墨雄瞻吳主體裁綿密伯儒兼叙隸草子
邑分鑣梁即巨山三世元凱累葉王廙為右軍之師彭
祖取羲之之道任靖矯名文休題柱敬仁清舉致畏逼
之詞張范逢時俱東南之美施吳鄴下後生同年拔萃
此十五人允為中之中

羅暉

叔景

趙襲

元嗣

劉興

張昭

陸機

士衡

朱誕

王導

庾亮

元規

王洽

敬和

郝超 景興

張翼

宋文帝

姓劉名義隆

康昕

徐希秀

謝朓

玄暉

劉繪

陶隱居

名弘景字通明

王崇素

右十八人中之下

論曰叔景元嗣並稱西州劉與之筆札張昭之無懈陸

機以弘才掩迹朱誕以偏藝流聲王導則列聖推能庾

亮則羣公挹巧王洽以下並通諸法郝超以晚年取譽

張翼善效宋帝康昕希秀孤生謝朓劉繪文宗書範近

欽定四庫全書

書品

七

來少前陶隱居仙才翰彩狀於山谷王崇素繪靡篇書

筆傳於里閭此十八人允為中之下

姜詡

梁宣

魏徵

玄成

韋秀

鍾興

向泰

羊忱

晉元帝

景文

識道人

范曄

蔚宗

宋炳

謝靈運

蕭思話

薄紹之

敬叔

齊高帝

庾黔婁

費元瑤

孫奉伯

王薈

羊祜

叔子

右二十人下之上

論曰此二十人並擅毫翰動成楷則殆逼前良見希後

彥允為下之上

楊經

諸葛融

楊潭

張炳

岑淵

張興

王濟

李夫人

劉穆之 道和

朱齡石

庾景休

張融 思光

欽定四庫全書

書品

八

褚元明

孔敬通

王籍 文海

右十五人下之中

論曰此十五人雖未窮字與書尚文情披其藁簿非無

香草視其涯岸皆有潤珠故遺斯紙以為世玩允為下

之中

衛宣

李韞

陳基

傅廷堅

張紹

陰光

韋熊

張暢

曹任

宋嘉

裴邈

羊固

傅夫人

辟閭訓

謝晦

徐羨之

孔間

顏寶光

周仁皓

張欣泰

張熾

僧岳道人

法高道人

右二十三人下之下

論曰此二十三人皆五味一和五色一彩視其雕文非

時刻鵠人人下筆寧止追響遺迹見珍餘芳可折誠以

欽定四庫全書

書品

九

驅馳並駕不逮前鋒而中權後殿各盡其美允為下之

下

今以九例該此衆賢猶如玄圃積玉炎洲聚桂其中實
相推謝故有茲多品然終能振此鱗翼俱上龍門儻後
之學者更隨點曝云爾

書品

卷之六

七

八

九

十

十一

十二

十三

十四

十五

十六

十七

十八

十九

二十

二十一

二十二

二十三

二十四

二十五

二十六

二十七

二十八

二十九

三十

三十一

三十二

三十三

三十四

三十五

三十六

三十七

三十八

三十九

四十

四十一

四十二

四十三

四十四

四十五

四十六

四十七

四十八

四十九

五十

五十一

五十二

五十三

五十四

五十五

五十六

五十七

五十八

五十九

六十

六十一

六十二

六十三

六十四

六十五

六十六

六十七

六十八

六十九

七十

七十一

七十二

七十三

七十四

七十五

七十六

七十七

七十八

七十九

八十

八十一

八十二

八十三

八十四

八十五

八十六

八十七

八十八

八十九

九十

九十一

九十二

九十三

九十四

九十五

九十六

九十七

九十八

九十九

一百

一百一

一百二

一百三

一百四

一百五

一百六

一百七

一百八

一百九

一百十

一百一

一百二

一百三

一百四

一百五

一百六

一百七

一百八

一百九

一百十

一百一

一百二

一百三

一百四

一百五

一百六

一百七

一百八

一百九

一百十

一百一

一百二

一百三

一百四

一百五

一百六

一百七

一百八

一百九

一百十

一百一

一百二

一百三

一百四

一百五

一百六

一百七

一百八

一百九

一百十

一百一

一百二

一百三

一百四

一百五

一百六

一百七

一百八

一百九

一百十

一百一

一百二

一百三

一百四

一百五

一百六

一百七

一百八

一百九

一百十

一百一

一百二

一百三

一百四

一百五

一百六

一百七

一百八

一百九

一百十

一百一

欽定四庫全書

續畫品并序

陳 姚最 撰

夫丹青妙極未易言盡雖質沿古意而文變今情立萬象於胸懷傳千祀於毫翰故九樓之上備表仙靈四門之墉廣圖賢聖雲閣興拜伏之感掖庭致聘遠之別凡斯編逸厥迹難詳今之存者或其人冥滅自非洲識博見熟究精覈擯落蹄筌方窮致理但事有否泰人經盛

欽定四庫全書

續畫品

衰或弱齡而價重或壯齒而聲道故前後相形優劣舛錯至如長康之美擅高往策矯然獨步終始無雙有若神明非庸識之所能倣如員日月豈末學之所能窺苟衡曹張方之蔑矣分庭抗禮未見其人謝陸聲過於實良可於邑列於下品尤所未安斯乃情有抑揚畫無善惡始信曲高和寡非直名謳泣血謬題寧止良璞將恐疇訪理絕永成淪喪聊舉一隅庶同三益夫調墨染翰志

存精謹課茲有限應彼無方燧燮墨回治點不息眼眩

素緝意猶未盡輕重微異則妍鄙革形絲髮不從則歡慘殊觀加以頃來容服一月三改首尾未周俄成古拙

欲臻其妙不亦難乎豈可曾未涉川遽云越海俄覩魚鼈謂察蛟龍凡厥等曹未足與言畫矣陳思王云傳出文士圖生巧夫性尚分流事難兼善躡方趾之迹易不知圓行之步難遇象谷之風翔莫測呂梁之水蹈雖欲游刃理解終迷空慕落塵未全識曲若永尋河書則圖在書前取譬連山則言由象若今莫不貴斯鳥跡而賤

欽定四庫全書

續畫品

彼龍文消長相傾有自來矣故倅斷其指巧不可為杖策坐忘既慚經國據梧喪偶寧足命家若惡居下流自可焚筆若冥心用舍幸從所好戲陳鄙見非謂毀譽十室難誣佇聞多識今之所載竝謝赫所遺猶若文章止於兩卷其中道有可采使成一家之集且古今書評高下必銓解畫無多是故備取人數既少不復區別其優劣可以意求也

湘東殿下

梁元帝初封湘東王
嘗畫芙蓉湖鰲鼎圖